

平湖縣志卷十九

署知縣張力行纂修

武備志

邑之武備聚於乍浦規制至明始詳考之紀載
鎮邊使設於吳越水軍統制設於宋德祐時則
知當湖爲海疆重地自昔然矣我

朝未雨綢繆陸有烽堠水有艨艟旋分 禁旅建

大將旗鼓使船使馬兼南北之長所謂備豫不
虞善之大者也謹泚筆書之志武備

平湖縣志

卷十九

武備

海防

一

海防

乍浦城 縣東南二十七里前明爲乍浦所邑
之外蔽也詳見城池

梁莊城 縣東南三十六里明正統五年巡按
李奎以海門要衝風艫易泊奏建大寨城周八
百丈高一丈五尺城樓二角樓四設官兵守禦
廳事儀門庖湍共十六楹演武場在堡外西南
周二百三十丈演武亭及將臺制如乍城嘉靖
三十三年倭寇爲患置不復守四十年知縣顧

廷對申請移乍浦巡檢司居之青莎斥鹵已無
牧馬場矣

國朝置梁莊山寨與烽堠臺一併哨探

獨山巡檢司城 縣東南四十里在獨山南宋
元俱名故邑巡檢司明初改名乍浦鎮巡檢司
洪武十四年巡檢祁僧伽奴到任遷乍浦十九
年設千戶所巡檢張觀音奴築屯堡于此遷居
之周一百二十丈高一丈五尺今尙存

白沙灣巡檢司城 縣東南五十三里離乍浦

平湖縣志

卷十九

武備

海防

二

二十里經獨山稍折而東明洪武十九年巡檢
辛得名築城兼扼竊販私鹽之要今廢

兵制

民兵 明正統六年因江西寇作詔僉練民壯
守禦每縣千餘人十三年減爲六百餘人十九
年定每里一人本縣額設一百六十名其法按
田編僉隨正軍操演保障城邑天順元年令招
募民兵鞍馬器械悉從官給宏治二年令選民
壯須年二十以上五十以下精壯之人州縣七

八百里者每里僉二名五百里者每里三名三百里者每里四名百里以上每里五名春夏秋每月操二次至冬操三歇五遇警調集官給行糧本縣額設三百十四名按月操練巡捕衙統率萬歷間改歸典史督之夜間分守各門每坊更番緝捕以三百名爲定額

國朝裁汰二百五十名額設五十名每名工食銀六兩遇閏月

加銀五錢康熙十五年全裁充餉二十二年全復演武場在大南門外

明宣德間設東西二十五丈南北六十七丈一

平湖縣志 卷十九 武備 兵制 三

尺嘉靖間知縣顧廷對建廳事三楹今廢

弓兵 明嘉靖九年乍浦白沙灣二巡檢司各

設弓兵百人與正軍同操有事聽調隨伍倭變

後裁汰每司各存三十四名隨操亦廢僅司巡

鹽捕盜之事

國朝二巡檢司各額設弓兵三十名每名工食銀三兩六錢康

熙十五年裁半充餉十六年全裁充餉二十二年全復

陸兵 明洪武十九年築乍浦城垣置守禦千

戶所隸海寧衛調錦衣衛官軍湯成等守禦正

統七年倭再寇乍浦移海寧衛後所官軍入城貼守東北梁莊堡拓爲城以指揮一人統官軍戍焉嘉靖三十二年倭變大作衛所軍不堪用乃募民爲兵郡城衛所合十營內乍浦二營營各五百餘人改把總爲欽依以都指揮體統行事駐乍浦春汛更撥杭州營兵五百名協守五月方撤隆慶三年汰諸營郡城衛所合畱兵五營四年巡撫谷中虛定嘉興區兵制凡一營五總前總守乍浦萬歷二十五年巡撫劉元霖以乍浦地尤衝選軍餘增設左營汛時前營民兵屯梁莊左營守乍浦

平湖縣志

卷十九

武備

兵制

四

國朝順治七年調撫湖兩標兵協防十一年撤湖標十三年增兵四百名以嘉協右營守備駐乍浦轄千總二員把總四員馬步兵九百名撥防沿海內汛十七年撤撫標十八年修砲臺山寨派兵瞭望康熙四年嘉協左右兩營分歸管轄右營專轄嘉善平湖王江涇斜塘天寧莊等汛五年調兵八十五名赴太湖營七年題 准右

營守備駐防乍城左營把總一員隨防乍浦目
兵三百三十五名分防乍汛沿海臺寨二十一
處九年裁兵八十一名實存馬步兵七百二十
五名內隨防乍浦一百八十名餘分防平湖嘉
善海鹽秀水各縣汛馬一步九五十七年撤調
斜塘汛千總一員兵三十名歸乍浦防西山觜
砲臺未幾設水師千總及兵仍撤去嗣又陸續
撥兵存郡現在守備駐防乍浦者帶兵一百五
十三名千總守汛平湖者帶兵九十九名右營

教場在乍浦南門內右營守備署東

水兵 明洪武四年海上民沈保童用竹筏載
倭登掠海鹽始設兵備倭戰船爲大青爲風尖
爲八槳每千戶所設船十隻駕以出洋巡倭大
汛二三四五月小汛九十月永樂七年立水寨
於沈家門在定海洋外舟山普陀間去浙西千
里非衝要必守之地洪熙元年巡撫浙江右布
政使周幹請撤歸近海各守汛地宣德初行在
兵部又以爲言皆未果撤正統二年撤回沈家

門戍改戰艦爲小尖哨船二十備乍浦西海口
增設馬一百五十四匹傳遞塘報在海岸設防
先是沈家門防倭半年始更番或遇風或病疫
每更番哭聲震地海口居民劉鳳奏請罷之增
沿海堡戍停革
戰船增置馬軍嘉靖中戰船廢盡馬額亦減乍

浦止十匹而倭變適大作三十六年募福倉船
七十七艘立鹽澉乍三關把總三員哨官十員
正副捕舵繚旋梢手散兵二千餘人輪番出哨
羊許二山戍守本關在乍浦者泊西海口謂之
下關在海鹽者泊白埕港謂之中關在澉浦者

平湖縣志

卷九

武備

兵制

六

泊黃道廟謂之上關隆慶三年汰海澉二關畱
乍浦一關凡四哨一哨羊山爲第一層門戶一
哨許山爲第二層門戶一哨乍浦西海口一哨
白埕港戰船減爲五十二艘其哨守之規南與
臨觀會北與金山吳淞會哨陸有籌哨水有符
稽驗各有法耆舵用募兵貼駕用軍兵萬歷初
貼駕復改用民兵僅存軍兵之半時以倭警久
息裁中哨又裁白埕港哨船之半不數年釜山
見告海上復修舊備每遇汛期督撫軍門檄嘉

湖兵巡道同分守叅將躬至乍浦督發兵船出
戊海洋

國初裁汰雍正二年設乍浦水師營遊擊一員守
備一員千總一員把總二員兵五百名餘丁八
十名馬十六匹營房五百間時字號戰船十隻
內水艍船二隻南艍船四隻哨船四隻紅衣砲
八位百子砲四十位劈山砲二位俱配戰船五
年添設外委千總一員外委把總二員七年嘉
協右營守備原防陸汛派撥水師輪防守備聽

游擊兼轄游擊聽嘉協副將節制九年改游擊
爲叅將不受副將節制增馬二匹乾隆十九年
裁海寧兵備道其標下守備一員千總一員把
總二員塘兵一百名移入乍浦建營房一百間
營分左右以舊守備領左營新守備領右營兩
營兵勻派各三百名教場在乍浦西門外龍王
塘計二十一畝二分官廳三間圈柵旗臺照牆
各一座雍正八年建小教場在乍浦南門外基
廣六十三畝八分明嘉靖間倭變死者甚衆署

縣事殷廷蘭置義塚瘞之

國朝雍正二年設水師營劃二畝零爲教場餘蓋造營房五百間乾隆三十三年裁哨船一隻滿洲水師 雍正六年設以駐防杭州甲兵未習水操將軍鄂彌達總督李衛遵

旨會議擇乍浦海口與省會鯨子門密邇建設水師營練習水戰聯絡聲勢也移杭州滿洲右翼副都統一員駐乍浦左右兩營設協領五員佐領十一員防禦八員驍騎校十六員理事同知一員

筆帖式二員建署於東門環以竹籬派杭州江寧甲兵各八百名共一千六百名給營房二千二百間杭州兵駐左營江寧兵駐右營又弓鐵箭匠四十八名教習舵水綠旗兵四百名給營房四百間官馬一百三十五匹甲兵馬三百匹于南水門內立演武場計七十一畝五分四釐六毫五絲演武廳三間耳房二間後房三間旗桿一根照牆一座置戰船二十二隻內大趕船九隻小趕船九隻南船四隻編寧謚字號于觀

山下海洋操演平時收泊海口閘閘在天后宫
後水陸六門設堆子房六所營內設堆子房十
六所派官兵更番守掌門之管鑰兼轄西山觜
閱武臺出洋會哨皆不與焉乾隆六年改籓籬
爲磚甃十五年裁南艚船四隻二十年裁甲兵
馬二百五十四匹二十五年裁趕艚船八隻今存
戰船十隻其綠旗教習四百名十一年巡撫常
安題畱二百名餘以滿洲閑散挑補部議畱六
十名十二年將軍薩爾哈岱以六十名不敷戰

平湖縣志

卷十九

武備

兵制

九

船之用題畱一百十五名十五年乍浦副都統
覺羅額爾登又題畱二名共畱一百十七名三
十六年准部咨水手四百名裁汰一百五十名
畱二百五十名

烽堠

惹山砲臺

陸營所轄撥兵十名

乍關鎖鑰

水師所轄撥兵六名

天后宮砲臺

水師所轄撥外委一員兵二十四名

西山嘴砲臺

水師所轄撥兵二十五名滿洲派防禦一員前鋒校前鋒等二十名

輪守有屋六間

湯山寨

陸營所轄撥兵三名

觀山寨 陸營所轄 撥兵三名
唐家灣寨 水師兵三名 陸營兵三名

稽查 船隻
陳山寨 陸營所轄 撥兵三名

常山寨 陸營所轄 撥兵三名
高公寨 陸營所轄 撥兵三名

菜薺港寨 水師兵五名 陸營稽查船隻

金家灣寨 陸營所轄 撥兵十名
東山嘴寨 陸營所轄 撥兵三名

量頂寨 陸營所轄 撥兵三名
蒲山寨 陸營所轄 撥兵三名

澈浦寨 陸營所轄 撥兵三名
珠冠寨 陸營所轄 撥兵三名

梁莊寨 陸營所轄 撥兵五名
益山寨 陸營所轄 撥兵五名

獨山寨砲臺 城守所轄 撥兵十名
茅竹寨 城守所轄 撥兵五名

平湖縣志 卷十九 武備 烽堠 洋汎 十

以上計二十一處自海鹽界起至江南金山界

止

洋汎

大羊山小羊山 大小羊山相倚中隔一港三四里許大羊山稍東南小羊山稍

近西北與江南交界東南屬定標北屬崇明鎮西南屬乍浦營

灘山澆山 屬乍浦營
魚腥腦 南屬定標北屬乍浦營

黃盤四嶼山 東南屬定標西屬乍浦營

野黃盤山 屬乍浦營 以上外洋

金山 與江南交界西北屬乍浦營
菜薺門 乍浦境

白塢山巫子山

立激浦境與嘉協左營交界

舜山

南屬鎮海營西屬錢塘水師營東北屬乍浦營

筭杯山

逼近塗面無停泊船隻以上內洋

凡乍浦海口一帶塘以上屬嘉協右營管轄塘

以下屬乍浦水師營管轄官兵船隻兩月一輪

更換出洋

軍屯

屯所二處

俱在齊景鄉明制以二百戶領之

計旗軍二百二十四名派種本縣田地二十六

平湖縣志

卷十九

武備

軍屯

土

頃五十二畝歲收子粒不等續奉都察院子字

一百三十三號勘合議定每田一畝額徵納米

二斗每地一畝額徵納米一斗六升百戶所派

田總旗領一十八畝小旗領一十四畝軍領一

十二畝俱辦糧六石本色折色均平定額當未

併倉之先總旗加辦六石小旗加辦二石四斗

及已併倉之後各止辦糧六石

國朝康熙十年巡撫都御史范承謨親詣屯所履

畝丈量題定共六千七百五十四畝七分三釐

一毫屯糧海寧衛完辦內田五千四百七十六
 畝六分九毫地一千一百四十七畝三釐三毫
 蕩一百二十六畝五分二釐三毫海四畝五分
 七釐六毫 海寧衛首伍屯地四百二十九畝二分八釐九毫蕩一十六畝六分一毫
 二伍屯地八十六畝一分六釐六毫三伍屯地
 一百一畝六分四釐七毫地四百四十八畝六
 分九釐五毫蕩一十八畝八分一釐七毫五伍
 屯田五百六十三畝九分八釐九毫七伍屯田
 一千一百二十三畝七分四釐九毫蕩九畝三
 分五釐七毫海四畝五分七釐六毫九伍屯田
 一千三百二十八畝九釐九毫十伍屯田一千
 二百九十三畝三分一毫十一伍屯田一千六
 十六畝八分二釐四毫地一百八十二畝八
 分七釐三毫蕩八十一畝七分四釐八毫

平湖縣志

卷十九

武備

軍屯

十三

以上統海寧全衛七所而言乍浦一所軍屯實
 止二十六頃五十二畝